

TIM 20 TAONA: MINOA, SAHIA, MIJOROA

Haka fahefana, hitondra vahaolana maro amin'ny marary ny vahoaka

Natomboka tamin'ny fomba ofisialy tetsy amin'ny kianjan'ny Finoana Magro Behoririka ny sabotsy teo, ny fankalazana ny faha-20 taonan'ny antoko Tiako i Madagasikara (TIM). Ny 3 jolay no tena feno 20 taona ny TIM, fa naroso sabotsy ny fanombohana ny fanamarihana. Nitarika izany ny filoha mpanorina, sady filoha nasiônal amin'izao fotoana Marc Ravalomanana sy Ramatoa vadiny, ny avy amin'ny Biro politika notarhan'ny sekretiera jeneral Rina Randriamasinoro, ireo olom-boafidy: depioite, ben'ny tanâna, mpanolotsainan'ny kaominina avy amin'ity antoko ity, ireo ministra teo aloha tamin'ny fitondrana Ravalomanana, ireo senatera sy depioite teo aloha, ny avy amin'ny RMDM, ny Vondrona Panorama sy ny antoko HVM ary mazava ho azy ireo vahoaka marobe: mpikatrola TIM avy eto an-drenivohitra sy ny manodidina sy ireo solontena avy any amin'ny faritra ary olon-tsotra. Feno hipoka ny kianjan'ny Finoana nandritra izany. Fotoam-pivavahana no nisantaranana ny fotoana, nisy avy eo ny lahateny nifandimbiasana. Toy izao ny kabary nataon'ny filoha Marc Ravalomanana nandritra izany:

"Ny voalohan-teniko dia misaotra an'Andriamanitra lehibe noho ny fitahiany antsika ka tafavory soa amantsara eto amin'izao fanokafana ny fankalazana ny faha-20 taonan'ny antoko Tiako i Madagasikara izao. Ianareo Ray aman-dreny ampanahy, lanareo filohan'ntoko sy fikambanana samihafa lanareo mpitarika sy mpikambana ato amin'ny RMDM, lanareo vahiny rehetra izay tonga eto, Isika rehetra tsy misy hanavahana mpikambana ato amin'ny antoko Tiako i Madagasikara, Faly, tena faly aho miara-mankalaza aminareo ity vaninandro lehibe eo amin'ny fiaian'ny antoko ity ary misaotra betsaka anareo rehetra vory lanona eto. Isaorako manokana ny ray aman-dreny am-panahy nitarika ny fotoam-bavaka teto.

Tolorako fisaorana manokana eto ihany koa ianareo vahiny rehetra nasaina, ka tonga manotrona izao fankalazana izao miaraka aminay. Ny fahatongavanareo rehetra eto dia porofo lehibe fa tsy irery ny antoko fa dia eo tokoa ianareo namana miaraka aminay amin'ny fikatsahana izay mahasoa ny firenena satria izany no maha antoko politika ny antoko.

Isaorako ihany koa ianareo avy lavitra nanao ny ezaka rehetra ka tonga eto androany. Fantatra tokoa fa mafy ny manjô anareo any amin'ny faritra misy anareo any. Amin'ny maha antoko lehibe ny Tiako i Madagasikara eto amin'ny firenena, ny tanjony dia ny hitondra ireo vahaolana maro marary ny vahoaka ohatra:

Fampianarana

Tao anatin'ny 62 taona tsy mbola nandoa droit d'examen izany ny ankizy manala CEPE sy BEPC raha tsy tamin'ity fitondrana ity.

Tantsaha

Tsy vokarakara ny Tantsaha amin'ny fanamboarana tohadrano sy ny fanjariana ny vavarano. Ary tsy takatry ny Tantsaha intsony ny masomboly sy ny zezika, satria niakatra izay tsy izy ny vidiny.

Ny fahasimban'ny lâlana

Tsy misy fikarakarana ny lâlana, ka betsaka no simba tanteraka, na an-tanân-dehibe, na any ambanivohitra. Tsy fandriampahalemana Manjaka ny tsy fandriampahalemana, na any ambanivohitra, na an-tanân-dehibe, na eny an-dâlana, dia mirongratra ny fandrobana sy ny asan-jolahy.

Fahasalamana

Mikaikaika miharitra fotosiny ny olona raha sendra marary, satria midangana izay tsy izy ny vidim-panafody. Tsy fananan'asa Maro ny olona very asa. Ireo mbola miasa, dia mitain-taina lalandava, satria tsy azo antoko ny faharetan'ny asa. Manampy trotraka izany ny fisondrotry ny vidim-panainana, ka zara raha mihinan-kanina ny Vahoaka.

JIRAMA : fahatapahan-jiro sy rano

Tapaka lava ny jiro sy rano, ary maharitra izany fahatapahanza izany amin'ny toerana maro. Antoky ny fahasalamana ny fananana rano fisotro madio, ary anisan'ny zo, kanefa dia lany fotoana milahatra rano ny vahoaka. Ny Facture alefan'ny JIRAMA anefia miakatra hatrany.



Ny filoha Marc Ravalomanana tetsy amin'ny kianjan'ny Finoana Magro Behoririka ny sabotsy teo.

Mba hahafahana manova izany anefia dia ilaina ny maka fahefana. Misy ireo ambaratongam-pahefana eny amin'ny communes sy faritra, kanefa tanjona lehibe ho an'ny antoko rehetra, ary ny TIM ao anatin'izany, dia haka ny fahefana mba hahafahana indray hitantana ny firenena. Tanjona tsy azo hafenina izany amin'ny maha antoko politika ny antoko Tiako i Madagasikara.

Tsy mora ny lâlana nizoran'ny antoko kanefa kosa noe-zahina naseho teto amin'ity toerana ity ny tantaran' ny antoko, indrindra ireo fahombiazana vitany tao anatin'izay 20 taona izay.

Misy tamin'ireo mpikambana no nizaka ny mafy tokoka ka nisy ireo namoy ny ainy, nigadra tany amponja, izay mbola vao nisy nampidirana any ampigadrana any Nosy Be any, izany rehetra izany dia noho ny fitiavana ny antoko sy ireo mpiara-belona amintsika.

Na dia teo aza izany rehetra izany dia mbola tsy kivy ianareo ary mbola sahy mijoro satria mbola ao aminareo ilay finoana amin'ny fanavotana an'ity firenentsika ity. AZA MATAHOTRA MINOA FOTSINY IHANY. Tsy misy zavatra vita anefia raha toa ka finoana no tsy arahin'asa. Izay no antony nisafidianana ireo teny faneva telo an'ity fankalazana ny faha-20 taona ity dia ny hoe MINOA, SAHIA, ARY MIJOROA.

Ny tanjontsika dia tsy mbola niova dia ny HANANGANA FIRENENA VANONA.

Naseho teto amin'ity toerana ity hoy aho ny tantaran' ny antoko. Izany no natao dia mba hahafahan'ireo tanora taty aoriana mahita marina ny ezaka sy ny asa vitan'ny antoko. Tsy izay ihany anefia satria isika tsy afaka hijanona any amin'ny efa lasa, fa natao ihany koa mba hahafahana maka bahana tsara, ka hibanjana ny ho avy mba hanao ny tsara hatrany mihoatra noho ireo efa vita tany aloha.

Zava-dehibe tokoa ny mahita antsika vory lanona eto. Teny filamatra teto amin'ny antoko ny hoe NY TONGA MIARAKA DIA FANOMBOHANA FÂ NY MIASA MIARAKA NO FAHOMBIAZANA. Mila mpitarika mahay ity firenena ity satria tsy azo atao andrankandrana izany mitondra firenena izany. Izany ihany koa dia mitaky ny firaissankinan'ny vahoaka Malagasy rehetra izay miandrandra vahaolana amin'izao toerana misy azy izao. Ilaina ny miasa miaraka noho izany.

Latsaka anaty lavaka lalina ny firenentsika. Mitombo hatrany ny fahantrana ary efa 81% ny mponina dia voakilasy ao anatin'ilay sokajy hoe tena mahatran. Potika ny firenena. Midangana ny vidim-panainana. Ny jiro tapaka lava tsy ahafahana manao ny asa fitadiana andavanandro. Tsy misy ny rano. Potika ny an-kabezan'ny lâlana. Maro ny tsy mahita izay sakafahazaha, ary kere ny any atsimo.

Tsy misy ny fandriampahalemana. Very fanahy mbola velona ny Malagasy ary indraindray aza dia toa lasa vahiny eto amin'ny taniny. Maizina tanteraka ny ho avin'ny Malagasy raha izao zava-misy izao no jerena ary azo lazaina fa tapin-dalân-kaleha ny maro an'isa. Tsy izay ihany no zava-misy fa maro ny sakantsakana ary tsy afaka misitraka ny zo fototra ny antoko politika mpanohitra sy ireo mpitarika an'ireny antoko politika ireny. Tsy misy fahafahana miteny sy mivezivezy malalaka eto amin'ny firenena.

Tsy misy ny demokrasia sy ny tany tan-dalâna fa hampiasana hanaovana ny ramatahara ny mpitandro filaminana sy ny fitsarâna kanefa araky ny voalaza teo dia tsy misy vahaolana ny tsy fandriampahalemana. Tsy kivy ary tsy milavo lefona amin'izany anefia ny antoko Tiako i Madagasikara miaraka aminareo antoko mpanohitra izay tonga eto. Koa SAHIA ARY MIJOROA HA-

Ny Valosoa sy fakafaka

Solombavan'ny mpitondra fa tsy solombavambahoaka

Ao anaty aty ririnina mamirifiry isika eto Madagasikara ankehitriny, indrindra ny eto afovoantany, izay mila tsy ho zaka ny hatsiaka vokatr'izany. Mifoaofo volo daholo araka ny fomba fiteny rehefa mivoaka ny trano hamonjy ny toeram-piasana. Tsy maintsy mitady anefia satria ny harapaka anio tadiavina anio. Misy aza moa ny ho hanina androany tadiavina rahampitso. Mandeha manaraka izany ihany koa ny fainan-dRalamagasy, satria miaina ao anaty fahantrena tanteraka isika ankehitriny. Ny fampitomboana karama kely ny volana mey teo nomen'ny mpitondra fanjakâna tsy nampiova inona akory. Ny hiafaran'izao fainana izao araka ny nambaran'ny mara dia hifampihinana an-toerana eto angamba. Ny mahagaga dia tsy mba fantavy ny solombavambahoaka natao hitondra tenin'ny vahoaka ny fahasahiranana misy ankehitriny, fa dia hoe misaotra, misaotra no heno nandritra ny fihaonan'izy ireo tamin'ny governemanta farany teo. Ny solombava'ny mpitondra no mendrika atao anaran'ireto farany, fa tsy mendrika azy izany hoe solombavambahoaka izany. Soa fa mba misy ihany ireo tonga saina na ao anatin'ny IRD aza milaza ny maharary ny vahoaka eto Madagasikara. Eo ihany koa ireo depioite mpanohitra tsy mitsitsy fitenenana, nefo mba misy mihaino ve izy ireo ? Mba velombolo ireo olom-pirenena raha naheno ny kabarin'ny filoha Ravalomanana nandritra ny fankalazâna ny faha-20 taonan'ny TIM, fa hijoro ny tenany hanavotra ny firenena indray. Nampanantena izy fa hanao izay traity ny heriny hahantanteraka izany. Mandra-pahatongan'izany aloha dia maro ny Malagasy no tsy ahazaka ny ririnina mamirifiry sy ny fahasaratôny ny fainana izay miha-mamirifiry hatrany, satria tsy ao anatin'ny laharam-pahamehan'ny mpitondra izany. Werawera na deradera aloha ny an-dRajoelina sy ny forongony, fa dia aleo ho any izay ho any, hoy izy ireo.

Helisoa

NAVOTRA ITY FIRENENA ITY.

Eto ampamaranana dia mamerina ny fisaorana anareo rehetra namaly ny antso ary efa mampanantena ny any amin'ny faritra fa mbola hitohy any aminareo ihany koa izao fankalazana ny faha-20 taonan'ny antoko izao. Ireo tsiambaratelon'ny fahombiazana: VISION: nanana vision lavitra amin'izay heverina fa toerana misy ny firenena any aoriana. NIJERY SY NIDINA IFOTONY: nahafahana namantatra ny tontolom-piainan'ny vahoaka amin'ny ankabobeny, mba hijerena izay LAHARAM-PAHAMEHANA NA PRIORITÉS.

Narahi-maso ny fanantanterahana ireo asa lehibe izay natao, mba tena hifanaraka amin'ny normes sy ny kabilitao. (Ny fenitra dia tsy ny loko ivelany fotsiny kanefa ny trano mitriatra na mitete.)

Tsy maintsy refesina ny asa vita na ny fandrosoan'ny asa natao.

Ireo dia manaraka tsara an'ireto teny ireo: MAHALALA, MAHAVITA, ary MAHAY. Izany no antony idinana eny an-tsena sy miresaka amin'ny vahoaka.

Zava-dehibe ihany koa ny DÉCENTRALISATION na fitsinjaram-pahefana: isika no nametraka ny faritra na region 22 tamin'izany andro izany, mba hanatona aksaiky ny vahoaka ny fanjakana, satria lavitra loatra ny faritany 6.

Misy dikany lehibe ny logo: Ny sarin'i Madagasikara miaraka amin'ireo faritra 22. Ny lâlana dia fotodrafif'asa ifamezivezen'ny vahoaka rehetra. Homba antsika Andriamanitra."

Nangonin'Isambilo

PRIERE AU SACRE CŒUR



Que le Sacré Cœur de Jésus soit loué, adoré et glorifié à travers le monde pour des siècles et des siècles, Amen.

Dites cette prière 6 fois/ jour pendant 9 jours et vos prières seront exaucées même si cela semble impossible. N'oubliez pas de remercier le Sacré Cœur avec promesse de publication quand la faveur sera obtenue.

Remerciements au Sacré Cœur pour faveurs obtenues. **Tsiory R.**